

GAROVGA QO'YILAYOTGAN TRANSPORT VOSITALARINI KOMPLEKS SUG'URTALASH SHARTNOMASI

Shartnoma tuzilgan vaqt Shartnoma raqami – son Shartnoma tuzilgan joy

Sug'urtalovchining nomi keyingi o'rinlarda **“sug'urtalovchi”** deb ataluvchi sug'urta kompaniyasi nomidan **Sug'urtalovchiga shartnoma tuzish huquqini beruvchi hujjat** asosida faoliyat yurituvchi rahbari Sug'urtalovchining rahbari F.I.O si bir tarafdan, keyingi o'rinlarda **“sug'urta qildiruvchi”** deb ataluvchi Sug'urta qildiruvchi tashkilotning nomi nomidan Sug'urta qildiruvchiga shartnoma tuzish huquqini beruvchi hujjat asosida faoliyat yurituvchi Sug'urta qildiruvchi tashkilot rahbarining F.I.O. si, ikkinchi tarafdan ushbu garovga qo'yilayotgan transport vositalarini kompleks sug'urtalash shartnomasini quyidagilar haqida tuzdilar:

1. SHARTNOMA PREDMETI

1.1. Sug'urta mukofoti ushbu sug'urta shartnomasida ko'rsatilgan miqdor va muddatlarda to'lanishi sharti bilan sug'urtalovchi sug'urta shartnomasida hamda ushbu shartnomaning ajralmas qismi bo'lgan ilovalar, qo'shimcha kelishuvlar, arizada keltirilgan shartlarga muvofiq sug'urta hodisasi sodir bo'lganda sug'urta qildiruvchi va (yoki) naf oluvchiga va (yoki) garovga qo'yuvchiga va (yoki) O'zbekiston Respublikasi qonun hujjatlariga muvofiq boshqa shaxsga sug'urta tovonini belgilangan tartibda va hajmda to'lash majburiyatini oladi.

2. SUG'URTA HODISASI VA SUG'URTA OBYEKTI

2.1. Sug'urta hodisasi bo'lib:

a) sug'urta muddatida sug'urta hududida transport vositasi va (yoki) qo'shimcha jihozlarning quyidagi sug'urta qaltisliklari yoki shikastlanishi hisoblanadi. Sug'urta hodisalarining nomi va turlari

b) sug'urta muddatida sug'urta hududida transport vositasidan foydalanilayotganda uchinchi shaxslarning hayoti, sog'lig'i va (yoki) mol-mulkiga zarar yetkazilganligi uchun sug'urta qildiruvchi va (yoki) haydovchining fuqarolik javobgarligi yuzaga kelishi hisoblanadi;

v) sug'urta muddatida sug'urta hududida transport vositasi bilan baxtsiz hodisa sodir bo'lishi natijasida haydovchi va (yoki) yo'lovchi hayoti yoki sog'lig'iga zarar yetishi hisoblanadi.

2.2. Sug'urta obyekti bo'lib O'zbekiston Respublikasining qonun hujjatlariga zid bo'lmagan, transport vositasining hamda uchinchi shaxslarning hayoti, sog'lig'i yoki mol-mulkiga zarar yetkazilganligi uchun fuqarolik javobgarligi yuzaga kelganda, shuningdek haydovchi va yo'lovchilarning hayoti va sog'lig'iga ziyon yetganda pul mablag'larining asralishi bilan bog'liq sug'urta qildiruvchi va naf oluvchining mulkiy manfaatlari hisoblanadi.

3. SUG'URTA PULI, SUG'URTA MUKOFOTI VA UNI TO'LASH TARTIBI

3.1. Ushbu shartnoma bo'yicha bitta transport vositasining sug'urta puli Ushbu shartnoma bo'yicha bitta transport vositasining sug'urta puli miqdori so'mni tashkil qiladi.

3.2. Ushbu shartnoma bo'yicha sug'urta mukofoti Ushbu shartnoma bo'yicha sug'urta mukofoti miqdori so'mni tashkil qiladi.

5.6. Ushbu sug'urta shartnomasi bo'yicha barcha o'zaro hisob-kitoblar O'zbekiston Respublikasining milliy valyutasida amalga oshiriladi.

4. SHARTNOMANI KUCHGA KIRISHI VA AMAL QILISH MUDDATI

4.1. Ushbu sug'urta shartnomasi, qaysi vaziyat birinchi yuzaga kelishiga qarab, tomonlar o'rtasida imzolangan vaqtdan yoki sug'urta mukofoti yoki birinchi badali to'langan paytda kuchga kiradi va Shartnomaning amal qilish muddatigacha amalda bo'ladi.

4.2. Sug'urtalovchining sug'urta hodisasi sodir bo'lganda sug'urta tovonini to'lash majburiyati sug'urtalovchi yoki sug'urta agentiga sug'urta mukofoti to'langan fursatdan boshlab kuchga kiradi.

5. SUG'URTA SHARTNOMASINING BEKOR QILINISHI

5.1. Sugʻurta shartnomasining amal qilishi sugʻurta qildiruvchining va (yoki) naf oluvchining yozma arizasiga koʻra Oʻzbekiston Respublikasining amaldagi qonun hujjatlariga muvofiq muddatidan avval bekor qilinishi mumkin.

6. TOMONLARNING HUQUQ VA MAJBURIYATLARI

6.1. Sugʻurtalovchining majburiyatlari:

a) sugʻurta qildiruvchini sugʻurta shartlari bilan tanishtirishi;

b) sugʻurta qildiruvchiga sugʻurta polisini sugʻurta shartnomasida kelishilgan sugʻurta mukofoti yoki uning birinchi

(navbatdagi) qismi toʻlangandan keyin taqdim etishi;

v) sugʻurta hodisasi sodir boʻlganda sugʻurta qildiruvchi va (yoki) naf oluvchi va (yoki) garovga qoʻyuvchiga ushbu sugʻurta shartnomasi bilan belgilangan tartib va muddatda sugʻurta toʻvoni toʻlovini amalga oshirishi;

g) sugʻurta qildiruvchi va naf oluvchini sugʻurta toʻvoni toʻlovi rad etilganligi toʻgʻrisida Oʻzbekiston Respublikasi qonun hujjatlarida belgilangan muddatda yozma shaklda xabardor qilishi;

d) sugʻurta shartnomasi amalda boʻlgan davrda sugʻurta qildiruvchi va naf oluvchidan olingan axborotning maxfiyligini taʼminlash, sugʻurtalovchi Oʻzbekiston Respublikasining amaldagi qonun hujjatlariga muvofiq davlat idoralariga axborot taqdim etishi shart boʻlgan holatlar yoki axborotni oshkor qilish uchun uning egasidan yozma ruxsat olingan holatlar bundan mustasno.

6.2. Sugʻurtalovchining huquqlari:

a) sugʻurta qildiruvchi va naf oluvchidan sugʻurta shartnomasi boʻyicha majburiyatlar bajarilishini talab qilishi;

b) sugʻurta qildiruvchi yolgʻon maʼlumotlarni xabar qilsa, sugʻurta shartnomasi haqiqiy emas deb topilishini va Oʻzbekiston Respublikasining amaldagi qonun hujjatlarida nazarda tutilgan choralar qoʻllanilishini talab qilishi. Sugʻurta qildiruvchi yolgʻon xabar qilingan tafsilotlar bartaraf boʻlgan boʻlsa, sugʻurtalovchi sugʻurta shartnomasini haqiqiy emas deb topilishini talab qilishga haqli emas;

6.3. Sugʻurta qildiruvchi va naf oluvchining majburiyatlari:

a) sugʻurta shartnomasini tuzayotganda sugʻurta hodisasi sodir boʻlishi ehtimolini aniqlash uchun sezilarli ahamiyatga ega unga maʼlum barcha tafsilotlarni xabar qilishi. Sezilarli boʻlib sugʻurta qildiruvchi, naf oluvchi va sugʻurtalovchi tomonidan sugʻurta shartnomasida koʻrsatilgan tafsilotlar hisoblanadi;

b) sugʻurta mukofotini oʻz vaqtida toʻlashi.

6.4. Sugʻurta qildiruvchi va naf oluvchining huquqlari:

a) sugʻurta muddati mobaynida sugʻurta masalalari boʻyicha sugʻurtalovchining maslahatlarini olishi;

b) sugʻurta hodisasi sodir boʻlganda sugʻurtalovchidan sugʻurta toʻvonini olishi;

v) sugʻurta hodisasi sodir boʻlganda mustaqil tekshiruv oʻtkazilishini talab qilishi;

g) transport vositasiga oʻrnatilgan qoʻshimcha uskunalarni sugʻurtalashi;

d) qoʻshimcha kelishuv tuzish yoʻli bilan sugʻurtalovchi bilan kelishgan holda sugʻurta shartnomasiga oʻzgarishlar va (yoki) qoʻshimchalar kiritishi;

e) sugʻurtalovchi xabardor qilinishi sharti bilan shartnomani bekor qilishi;

j) polis yoʻqolgan taqdirda uning dublikatini olishi.

7. TOMONLARNING JAVOBGARLIGI

7.1. Tomonlar oʻz zimmlariga qabul qilingan majburiyatlarni bajarmaganlik yoki lozim darajada bajarmaganlik uchun Oʻzbekiston Respublikasi qonun hujjatlariga muvofiq javobgardirlar.

8. BAHSLARNI HAL ETISH TARTIBI

8.1. Ushbu sugʻurta shartnomasidan kelib chiqadigan bahslar, kelishmovchiliklar yoki talablarni, shu jumladan uning ijrosi, buzilishi, toʻxtalishi yoki haqiqiy emasligiga taalluqli masalalarni muzokaralar orqali hal etishning imkoni boʻlmasa, ular Oʻzbekiston Respublikasining amaldagi qonun hujjatlariga muvofiq hal etiladi.

9. BOSHQA SHARTLAR

12.1. Sugʻurta shartnomasiga barcha qoʻshimchalar va oʻzgarishlar yozma koʻrinishda amalga oshirilishi shart.

12.2. Tomonlarning ushbu sugʻurta shartnomasida koʻrsatilmagan oʻzaro munosabatlari Oʻzbekiston Respublikasining amaldagi qonun hujjatlari bilan tartibga solinadi.

12.3. Ushbu sugʻurta shartnomasi har bir tomon uchun bir nusxada tuzildi. Barcha nusxalar bir xil yuridik kuchga ega.

10. TOMONLARNING REKVIZITLARI VA YURIDIK MANZILI

SUGʻURTALOVCHI:	SUGʻURTA QILDIRUVCHI:
Yuridik manzili: Sugʻurtalovchining yuridik manzili	Yuridik manzili: Sugʻurta qildiruvchining manzili
H/R: Sugʻurtalovchining hisob raqami	H/R: Sugʻurta qildiruvchining hisob raqami
Bank kodi Sugʻurtalovchining bank kodi	Bank kodi Sugʻurta qildiruvchining bank kodi
STIR: Sugʻurtalovchining STIR raqami	STIR: Sugʻurta qildiruvchining STIR raqami
Sugʻurtalovchi bilan bogʻlanish uchun telefon raqami	Sugʻurta qildiruvchi bilan bogʻlanish uchun telefon raqam